

# 想起散养个童年

文 / 小莹

## 老里八早

时段辰光一直蹲辣屋里，想起了交关老里老早个事体。

阿拉小辰光大多数人家姆妈勿上班，所以小囡侪勿上幼儿园。我经常和隔壁小囡一道辣弄堂里白相。埃歇辰光虽然既没手机和电脑游戏，但小囡白相个花洋经也是蛮多，比如：造房子、跳橡皮筋、踢毽子、飞香烟牌子、钉橄榄丸、抽贱骨头等等，有几个调皮个小囡还会爬到1米左右高个算字形水泥垃圾桶上面跳下来，也算因地制宜。有一趟我一家头辣弄堂口跳绳，过来一个小阿哥，伊对我讲：“依跳得真好，让我试试看。”我听了夸奖邪气开心，就拿手里个跳绳交拨伊，啥人晓得伊一边跳一边跑，等我反应过来，伊已经收起绳子跑远了。我追过一条马路，看勿见伊个踪影，呆立了半天，哭哭啼啼回了家。帮条跳绳是我个心爱之物，是保姆阿金从浙江乡下头带来送拨我，跳起“双飞”来又轻又稳，还会发出“嗖嗖”个响声，特别顺手，后来我用过各种各样个跳绳，再也既没帮条顺手个感觉。

弄堂外面个小马路是弹硌路，平常既没车子开进来，是一条“步行街”，经常会有人牵仔猴子辣路边表演“翻猴出把戏”，两只

可怜巴巴个小猴子，穿仔红马甲，翻几个跟头，做一点简单个动作，然后跟辣敲锣个师傅后头向围观个人讨赏。埃歇辰光阿拉帮点“小八辣子”侪欢喜热闹，我个阿奶叮嘱我：“千万勤一家头出去看表演，外头有拐子。”吓得我真个勿敢单独出去热闹了。

阿奶过世那年，我已两年级个小学生了，保姆阿金回了乡，屋里阿哥阿姐不少，但出嫁个出嫁，读大学个读大学，工作个工作，侪看勿大着了。阿爸姆妈是双职工，我成了挂钥匙吃食堂个小囡。姆妈每个月拨我八块洋钿，包括伙食费、零食和买学习用品。

小辰光阿拉帮点小囡侪欢喜拨别人起绰号，弄堂口烟纸店老板眼睛勿好，阿拉就叫伊“眯眼老板”，隔壁弄堂口烟纸店老板一只耳朵有点卷，阿拉叫伊“小耳朵老板”，后弄堂有一个“矮子老头”每天推小车到弄堂口摆摊头卖零食，比如：糖水卷心菜、盐金枣、九制陈皮、烤扁橄榄等等。我特别喜欢零食，所以三家小店侪是我经常光顾个地方。“矮子老头”门槛最精，每趟侪会多拨一点，有辰光我既没带钞票，伊还会让我赊账，所以伊个摊头我去得最多。我虽然皮，但胆子小，从来勿闯祸，所以从小到大既没被爷娘吃过生活，倒是当过中队长，评上过三好学生，每次姆妈侪会辣伙食费里多拨我几块洋钿。

除脱买零食、吃食堂，我还有一个经常性个花销就是辣小书摊浪看连环画。学堂外面个小路尽头有一家小书摊，每天放学我侪要去看看几本小人书，书摊老板和老板娘侪认得我，啥个《水浒》《西游记》《茶花女》《桃花扇》《三毛流浪记》……我看得不亦乐乎，时常忘记脱辰光。

读小学三年级个辰光，国家进入“三年困难时期”，交关物事侪要凭票购买，粮食供应变得紧张，吃食堂个人也少了。学堂为了改善食堂伙食，开始养兔子，阿拉帮点学生也要出一把力，上学路浪绕路走过附近菜场，捡几张菜皮，进校门个辰光再进一小盒子里。有一趟，我辣菜场里兜了两圈也既没寻到一张菜皮，心里有点懊恼，突然听到背后有人叫我，回头一看，是同班同学孙明，伊手里拿了一大片卷心菜皮，看我两手空空就分拨我一半，我邪气开心。

同学月明个姆妈是菜场里卖鱼，阿拉屋里鱼票勿够，我就用香水铅笔和伊调鱼票。同学腊英个姆妈是卖菜饭糕，腊英拿菜饭糕个碎粒辣辣一小盒子里送拨我吃。当然我也勿会白吃同学个物事，有辰光我会买几只刀切甜馒头分拨大家，伊拉侪吃得咪花眼笑。

现在，石库门弄堂老早就拆迁了，小辰光个玩伴勿晓得散辣啥地方？可安好？想念伊拉！

## 灶披间

最近一个朋友发愁，突然有一天，只有六七岁个小女儿跟伊讲，人实在太残酷了，活生生个猪牛羊侪被吃脱了，从今朝开始我要做一个素食主义者。

小人个想法总有出处，一定要尊重。问题是，小人正好辣长发头浪，身体健康离勿开蛋白质，哪能办呢？

凭良心讲，现在小人也蛮难教，又要教伊拉懂规矩，走出去立既没立相，坐既没坐相，总归勿来三；又要让伊拉上得厅堂下得厨房，琴棋书画顶好样样侪会，蛋糕曲奇顶好也要拿得出手。所以，张弛之间，迭根橡皮筋松松紧紧哪能控制，对大人来讲，是新课题。

朋友当中也有一周设一个吃素日，就跟伊出主意：依可以试试看，让小朋友一个礼拜吃一天素。

当然，吃素勿仅仅是炒盆山芋藤、拌只马兰头介简单。所以，就想起迭只乾坤布袋了。顾名思义，迭只菜除脱做成布袋样子，里向还装仔五颜六色交关好吃物事，又包含了交关美好祝福，富有、长寿、康宁……所以，也叫伊五福布袋。辣眼门迭种非常时期，祝福也是日日需要。

迭只菜吃工夫个主要是准备工

# 吃素？做只乾坤布袋

作，其中还有一样要紧物事，叫干瓢，也称葫芦条；伊原产日本，据说是一种纤维素含量高，能加速胆固醇降解、减少心血管发病个健康食品。买来个干瓢通常是干货，吃前头要先泡软，再加高汤煮透。勿过，辣此地帮道菜里伊只是配角，用伊来拿“布袋”口扎紧。看上去有点大材小用个意思，勿过，人生既没配角，美食制作也是一样。

乾坤布袋个配料比较多：湿豆腐皮2片，花菜、素火腿、鲜香菇、胡萝卜、珍珠米、毛豆子及干瓢各少许。用到个调料包括：酱油、糖、胡椒粉和盐各若干。

- 做法步骤：
1. 湿豆腐皮用酱油、糖腌一腌，干瓢泡软备用；
  2. 花菜、素火腿、鲜香菇、胡萝卜切丁，和珍珠米、毛豆子一道，加稍许胡椒粉、盐炒一炒，盛入碗备用；
  3. 豆腐皮摊平，炒好料摆上去，像布袋一样包起来，用干瓢拿口扎起来；
  4. 做好个布袋摆辣盆子里，进蒸笼蒸10分钟就可以上台子吃了。



## 沪语中古语

# “黄六”本应是“隍鹿”

文 / 叶世荪

但凡上了点年纪的上海人，多会记得上海话中“黄六”一说。所谓“黄六”，用现在的话讲，就是不靠谱、事情黄了。“事体到末脚就黄六了”，意思是事情到最后还是落空。该词的含义没有异议，但其出处却可以推敲一番。

明代有个曾为皇帝讲授经史制度的学问家张萱，在其著作《疑耀》中说：“黄六，今京师勾阑中浑语言给人者，皆言黄六。余初不解其义。后阅一小说，乃指黄巢兄弟六人，巢为第六而多诈。故诈骗人者为黄六也。”自此，用排行第六而狡诈阴险的黄巢，“喻指事情不实、落空”的注释逐渐被人们所接受，后人引用者甚众。

然而，这个解读终究只是来自于张萱所阅小说，说服力有限，于是，许多人将该词写作“黄落”“王六”“黄绿”“黄陆”等等，并对其源出赋予各自的猜测。

我们发现，在《疑耀》问世前约两千年、黄巢起义前约一千年的战国时期，汉语中就有了这个词，不过该词写作“隍鹿”。《列子·周穆王》：“郑人有薪于野者，遇骇鹿，御而击之，毙之。恐人之见之也，遽而藏诸隍中，覆之以蕉，不胜其喜。俄而遗其所藏之处，遂以为梦焉。”说的是有个郑国的樵夫，把打死的鹿藏在壕沟里，结果忘了藏的地方，以为自己只是做了个梦。可见，形容事情虚

假不实、终成画饼的，最初是“隍鹿”两字。

历史上也有人以虚妄不实、梦幻落空的含义，运用“隍鹿”。宋代文天祥《挽龚用和》诗：“名利无心付隍鹿，诗书有种出烟楼。”宋代朱晞颜《满江红》词：“算人生，得意待何时，蕉隍鹿。”元代马臻《述怀》：“梦疑隍鹿在，机息海欧眠。”明代黄澜《赫德铜像歌》：“十要事误隍中鹿，七命雄魔殿下旒。”出生在上海青浦的近代诗人王德钟在其《十九岁述怀》诗中，也不用“黄六”用“隍鹿”：“得失浑忘隍下鹿，餐眠夜笑柵中豚。”

当然，现在不管是“隍鹿”还是“黄六”，都很少再有人提及了。

# 养成“公筷公勺”好习惯

文 / 许德华

## 茄山河

新冠疫情让阿拉重新审视平常帮眼生活习惯是勿是卫生，最让人有感觉个就是推广公筷公勺。啥叫“公筷公勺”？譬如一大盆子菜十几个人吃。为了防止交叉感染，辣旁边放几双公筷；吃菜个辰光，用公筷夹菜到自家个碗盏里，然后拿公筷放回原位。自家碗盏里个菜用自家私筷。公勺也是同样道理：先用公勺拿汤舀到自家汤碗里，放回原处，再用自家勺子喝汤。使用公筷公勺看上去有点“烦”，但的确是一种能避免交叉感染个好习惯。

17年前“非典”辰光就曾经倡导“公筷公勺”，可惜既没坚持下来，其个好习惯是养得成。

像我60后年纪个朋友或许还记得老早四川路帮种闹猛个商业街，上街沿浪侪有两只标配：废物箱、痰盂。痰盂有盖头盛半盆水，专门供行人吐痰。帮歇想来老恶心个事体辣埃歇辰光已经是一种老大大个进步了，因为当时有勿少人是习惯随地吐痰。我经常看到清洁工辛辛苦苦收作痰盂，心里就想大家再进一步勤吐痰勿就既没帮种事体了？后来阿拉老百姓生活条件勿断改善，生活环境也越来越干净，

到处吐痰个人也越来越少，马路边浪个痰盂也已经消失交关年数了。

我小辰光屋里人口多，经济条件也勿算好，所以为了吃得“公平”，吃饭上菜总是由外婆平均分配，拨到各人面前个盘子里。我印象里最好白相个是吃早饭，油条切碎蘸酱油，每个小人面前侪有一只漂亮个酱油碟子，邻居看到侪觉得蛮好白相。

分餐，客观浪也保护了大家个身体健康，虽然当时既没意识到帮一点。后来，我有一个阿姐本来身体蛮好，婚后不久得了胃病，医院里经过检查，讲是“幽门螺杆菌”感染。原来伊拉婆家平时吃饭忒“团结”，盆子里菜“筷来筷去”，屋里有人得了肠胃病，结果就是大家侪被传染了。迭个教训让我记忆深刻，后来勿管是出差旅游，还是辣屋里向，侪尽量分餐制。

病毒勿认人，特别是呼吸道、肠胃系统帮类毛病，极容易“口口相传”，假使大家侪有了“公筷公勺”个共识，讲究清洁卫生，习惯成自然，病毒就勿到阿拉了！

# 从排队买早点想到

文 / 董阳光

平常最讨厌“插队”个人，一趟买早点“运道好”，一记头连牢碰着两个。

一早，到点心店买早点，排队个人勿多，只有三四个。啥人晓得，轮到个辰光，排辣我后头一个瘦男人，一边拿钞票个手伸到店主前面，一边叫：“两团菜饭！老样子！”我回头看了伊一眼，几乎是同时，前面又杀出一个胖女人，开口就喊：“两根油条！两根豆浆！”我一记呆脱。看到过插队侪，迭能前后交叉“配合”侪，还是头一趟碰着！有句闲话讲：会哭个小囡有奶吃。果然，店主先拨送两个“小囡”买了。当时，我真想搭送一胖一瘦两个朋友理论一下，勿过最后还是选择“放一马”个沉默。

原因也简单：伊拉堂而皇之插队个“素

质”迭能结棍，葛末，伊拉吵相骂个“水平”一定勿会推板。我一二，跟伊拉讲道理勿会有啥好结果。我勿想还既没吃到点心，就先吃“一包气”，更勿想还既没吃到“菜饭糕”，就吵得“血压高”。

生活里，插队现象到处侪有，辣车站、地铁等车子；辣医院、商场付费；辣高架川流不息个车流里，勿打方向灯，随意变道个“插队”，也经常可以看到。插队辣人群里，难免会引起争吵；辣车流

里，更容易引发交通事故。

勿过，总个来讲，虽然插队到处可见，但自觉排队个人更多。辣地铁站里，经常可以看到交关年轻人自觉排队上车，哪怕只有二三个人，也是排得整整齐齐。至于勿排队，匆匆抢先上车个人只是极少数。走进车厢，看到阿拉老年人让座，也同样勿少。“物以类聚，人以群分”，真希望阿拉社会里向，自觉自律个人群越来越大，而自私自利个人群越来越小。

# 沪谚熟语印

汰脑子：改造思想，开导。  
八零八：手铐。取其形状与“8”相似。篆刻 / 周建国



汰脑子 八零八